



Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Arnestus admissum à Pragensibus crimen, in Pauperum solatium, & famis
remedium vertit: cum Pragensibus mitissimè colloquitur. Caput VIII.

urn:nbn:de:hbz:466:1-42763

Arnestus admissum à Pragen-
sibus crimen, in Pauperum solatium, &
famis remedium vertit: cum Pra-
gensibus mitissimè collòquitur.

CAPUT VIII.

*Pontanus l. 2.
Bohemie Psa.*

*Hagek Anno
1361.*

*Crimen à Se-
natus Pra-
gensii admis-
sum.*

Accidit inter hæc res, scelere tristis, at exitu læta, quâ (si unum crimen absuisset) nihil optabilius pauperi populo evenire poterat. *Martinus* quidam *Pragensis Ecclesiæ Capellanus*, *Praga* ortus, vir à pietate & virtutibus notis- simus, in Curiam antiquæ Urbis *Pragensis* reverenter ingressus, pecuniam quandam sibi à Patre, cuius unicus hæres fôret, reli- ctam, & in Curia, (ut mos est) repositam repetebat. *Senatus* (in- stigante forsitan uno aliquo, qui ad pecuniâ oculum animumq; adjecerat) dure primùm *Sacerdoti* responderet, deinde cùm is Jus suum perseveraret defendere, quasi *Senatus* autoritatem lassisset, è vestigio è conspectu hominem in carcerem rapi jubent. Tum consultante *Senatu*, quid agendum esset, eodem furore sententia- rum damnatur. Igitur manè primò, ut conscientiam Viatorum antevenirent, ad *Pontem Pragensem* trahitur, & vinculus in flumen *Moldavam* abijcitur & mergitur. Innumeris exemplis comper- tum est, nullam facile innocentis cædern impunè patrari & latè posse. Continuò res ad *Archiepiscopum Arnestum* defertur, is omnes cædis concios anathemate pro potestate ferit, simul *Carolo Cesari*, per id tempus, pestilentiae metu, *Norbergæ agenti*, quid fieri placeret, ostendit. *Pragenses*, cùm proditum crimen viderent, *Cesaris* iram veriti, citatis Equis Legatos *Romanos* propere mittunt, & quid egissent, quid timerent, *Innocentio Sunmo Pontifici* signi- ficant,

ficant, crimen agnoscunt, supplicant, nihilque, quod misericordiam provocaret, omittunt. Flexus precibus Pontifex, dat ad Arnestum litteras, admonetque, ut poenam, quæ videretur, contentus, de cætero Formule Apostolorum Petri & Pauli meminisset; id Pragensium Legatorum apud se preces, id dolorem intimum meruisse. Legati Româ Pragam omni, quâ poterant, celeritate reversi, duram, quæ à Cæsare & Archiepiscopo narrabatur, sententiam prævenire. Traditis Arnesto Summi Pontificis mandatis, cum eadem omnia, quæ Roma, Praga quoque iterarent, tandem ad optimum Præsulem cunctus Senatus, summâ poenitentiæ significatione, venit; veniam supplices petunt, obsecrant, ad poenam se suaque offerunt; eos Arnestus in hunc modum alloquitur: *Filioli mei charissimi, atrox a vobis facinus editum est, & majus sine dubio, quam ut breves hujus vita poena vos possint absolvere, nisi iram diuinam & infinitam justitiam, infinita DEI misericordia, respiciens in faciem Christi sui, finire soleret. At ego hec omnia accusationi vestre, & conscientie relinquo, id unum ex vobis audire cupio: quæ vos tandem ratio, quæ vis, quod crimen, ad inferendam sancto huic viro & Sacerdoti, tam horridam cadem, & perpetrandū tantum facinus adduxerit?* Illi provoluti in genua: *Venerabilis Pater (respondent) Deum, qui animum, & in eo cogitationes nostras videt, testamur! eam tum criminis speciem nobis objectam, ut nihil dubitaremus mortem meruisse; at nunc manifesta viri innocentia, nostrumq; nobis scelus occursat.* Ad haec Antistes: *Filioli! mali demonis prestigia, nisi diligenter, quod refutum est, pervideas, iudicia humana sape pervertunt, cuius demonis crudelitas maximè in innocentes & sanctos, solet grassari, latissimumq; ducit innocentia opprimere & damnare; he sunt illius epule, hoc regium convivium putat.* Is vos, filioli, sine dubio ad ferendam in-
justiam illam sententiam incitavit. Itaq; dum tempus est misericordia, qui malos
prævenite Iustitiam in confessione, ne vos ira diuinæ gladius, qui malos
sequitur, comprehendat. At rursus Pragenses: *Misericors & optime Pater!* poenam, quam irrogaveris, volentes, lubentes sustinebimus.
Satis scimus cor paternum tuum, & corde tuo placato, cor quoq; di-
vinum, poenitentiâ posse placari. Arnestus contrâ: *Eleemosynis, in-*
quit,

Pragensis Se-
natus absolu-
vit ab Ar-
nesto certâ
poenâ pro
crimine im-
positâ.

290 DE VITA VENERAB. ARNESTI LIE. HI.
quit, redimi peccata sacre litteræ nos admonent: hoc exemplum in
bac publica; quia DĒVS nos inobedientes filios flagellat, calamitate,
valeat, quid præsens rerum status à vobis exposcat, facilè ipsi vide-
sis. Si pœna modum scire placeat, septem millia succorum frumenti im-
pero, quod in eagentissimos quoq; in urbe vestra dividetis. Illi optimi
Præfulis voluntate perspecta, Anathemate exsoluti, continuò,
missis in Moraviam quibusdam Civibus, eam frumentivim Pra-
gam advexere, quā plurimi mortales, fame perituri, sunt servati.
Colloquium hoc adduxi, ut ex eo prioris faculti auream simplici-
tatem, cArnesti paternum in suos animum, non indulgentem,,
non mollem, sed in severitate sententiæ dulcem & misericordem
intelligamus. Fuit verò hæc grandior pecuniæ & frumenti vis',
quām ignarus aliquis locorum, ac temporum possit existimare.

Fertilitas post famam, placato, steriles annos tam copiosa tamque dives per Bohemiam.
Cuthenus Anno 113. d. 2. messis anno tertio excepit, ut, cùm antè frumenti saccus tringa
argenteis grossis, postea uno grosso (quod ut miraculum meritè
prædicant historiæ) publicè in foro Pragensi venderetur; cessitq;
ea frumenti vilitas in Sacerdotis occisi gloriam, namque eum de-
cœlo messes tam beatas impetrâsse, publico præconio Populus
affirmavit.

Notæ in Caput VIII.

In Ponte
Pragensi Iu-
stitia simula-
cione:
IN flumen Moldavam abiicitur. In ponte Pra-
gensi suppliciorum locus fuit, cui Crux è regione, opere & arte vi-
senda pretenditur; ubi etiam simulacrum armatae Justitiae stetisse
narratur. Erant etiam plura alia hujus Pontis (quo firmiorem
alterum in Europa inveniri negat Gerardus Mercator) ornamenti,
quaæ injurijs temporum, & tor prælijs in ipso Pragensi ponte commissis,
maxime in Passaviensi & Saxonico conciderunt, inter quaæ Statua
Equestris Regis Georgij, aliaque.

Nul-



Nullam cædem occultari. Nostra & Majorum tempora plena sunt exemplis ; ut in cædibus prodendis singulariter D^EI providentia laborare videatur. Adeò ex minimis sepe argumentis ingentes scelerum apparatus, glomeris instar, capto parvo fili initio, legimus evolutos. Exempla quam plurima multis titulis attulit Zwingerus in *Theatro vita humanae*, & qui eum secutus est Beyerlinck. In *Anthologia Grecorum casus viator latronem sic alloquitur* : licet me sepelias, tanquam nemine vidente, oculus Justitia videt omnia, quæ sunt ! Nobile, quale unquam legerimus exemplum homicide, uno dicto fortuito proditi & perdit i refert Polydorus Verg. l. 8. de rerum Inventoribus , de Godwino Comite Cantianorum. Huc quoq_z trahunt nonnulli sanguinem, veniente homicida, ab occiso manantem, qua de re scriptis eruditè Hieron. Magius in *Miscellan.* l. 3. C. 5. omniūmq_z subtilissimè Kircherus in Magnetismo.

Homicidii
admissunt
non facile
occultatur

L. 3. Antbol.
C. 6. 2.

Grandis pecuniæ & frumenti vis. Facile id intelliget, qui ejus temporis Monetam examinari, de qua Stransky in Rep. Bojem. Fuit verò siliginis saccus, famis tempore, 30. grossis ; id est sexaginta ferè grossis hodiernis, adeòq_z uno aureo. Septem igitur aureorum millia expendere oportuerat ; nisi è Moravia, ubi viliore tum pretio, frumentum petiissent ; summa grandis pecuniæ, èt etate, nondum apertis navigatione Indijs. Frumenti saccus seu modius (*Rostic* vel *Strich*) 4. mensuras ingentes complectitur, adeò ut ex una ejusmodi mensura commode, præcipue famis tempore, sustentari robustus vir duabus hebdomadis possit ; ex medio enim 130. libras panis pistoris semper expectant.

Alij numero-
rant tria
millia aure-
orū & quia-
gentos.



Oo Arne-